

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće
Stručna Služba Gradskog vijeća
Broj: 06-04-7497/2024
Dana 11.11.2024.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		15-11-2024	
Org. jed.	Broj	Priloga	Vrijednost
05/1	- 02-	513	124

PARLAMENT FEDERACIJE BIH
PREDSTAVNIČKI DOM
n/r predsjedavajućeg Predstavničkog doma Parlamenta FBiH

PREDMET: *Odgovor na poslaničko pitanje, dostavlja se*

Na Kolegiju Gradskog vijeća na sjednici održanoj dana 11.10.2024.godine pod tačkom dnevnog reda tekuća pitanja razmatran je dopis Sekretara organa uprave broj: 01/1-04-sl/24 od 08.10.2024.godine kojim se ovom organu dostavlja zastupničko pitanje gos. Admira Čavalića zastupnika u Predstavničkom domu Parlamenta Federacije Bosne i Hercegovine.

Po zaključku Kolegija Gradskog vijeća Živinice isto je dostavljeno na odgovor i postupanje JP "Horiznotala" d.o.o. Živinice i isti Vam dostavljamo u prilogu ovog akta.

Prilog:

- *Odgovor na zastupničko pitanje gosp. Admira Čavalića*

**Sekretar Gradskog vijeća po
ovlaštenju**

Jasmila Bešić, dipl. pravnik

JP „HORIZONTALA-ŽIVINICE“

Adresa: Oslobođenja br.13 -75270 Živinice
Matični registarski broj subjekta upisanog kod Kantonalnog
suda u Tuzli broj: I-1269

Broj:01/1-3-2786-1/24
Dana, 08.11.2024..godine

Identifikacioni broj:03701611
Telefon: (035) 774-210, 775-975
Faks: (035) 772-033

Grad Živinice
Gradsko vijeće
Stručna služba Gradskog vijeća

Predmet: Odgovor na zastupničko pitanje gosp. Admira Čavalića 02.10.2024.godine,
dostavlja se:-

Odlukom Gradskog vijeća Grada Živinica javnom preduzeću „Horizontala-Živinice“ Živinice su data javna ovlaštenja u vršenju određenih upravnih, stručnih i drugih poslova lokalne samouprave a između ostalog i upravljanje javnim parkiralištima na području Grada Živinica.

Dokaz: Odluka o povjeravanju javnih ovlaštenja broj 06-05-6108/2019 od 27.11.2019.godine („Sl.glasnik Grada Živinica“ broj 08/2019) i Odluka o povjeravanju javnih ovlaštenja broj:010-05-4915/05 od 17.10.2005.god.

Zakon o prekršajima FBiH članom 3. stav a. „1) ovlašteni organ je bilo koji od sljedećih“ tačka c koja glasi: „c) ministarstvo, preduzeće ili drugo pravno lice koje ima javna ovlaštenja i u čiju nadležnost spada direktno ili indirektno provođenje bilo kojeg zakona ili propisa koji propisuju prekršaje;“.

Zakonom o principima lokalne samouprave u FBiH "Sl. novine FBiH", br. 49/2006 i 51/09) članom 8. u vlastitim nadležnostima jedinice lokalne samouprave su između ostalog i javna parkirališta.

Na osnovu Odluke općinskog vijeća Živinice našem preduzeću su data na upravljanje javna parkirališta na području općine Živinice, izmjenom i dopunom Odluke o javnim parkiralištima broj 01/3-05-6754/2018 („Sl.glasnik općine Živinice“ 18/18) a na osnovu Zakona o prekršajima FBiH („Sl.novine FBiH“ broj 63/14) naše preduzeće je ovlašteno da izdaje prekršajne naloge za lica koje ne poštuju odredbe naprijed navedene Odluke o javnim parkiralištima na području Grada Živinica.

Na osnovu naprijed navedenog za nesmetan rad i primjenu gradskih/općinskih propisa odnosno Odluke o javnim parkiralištima na području općine Živinice neophodno je da naše preduzeće ima stalni pristup registru novčanih kazni kao i pristup podacima o vlasniku putničkih motornih vozila.

Rješenjem ministarstva civilnih poslova BiH broj UP-II-06-30-2-7-MZ/RM/19 od 20.05.2019.godine je takođe potvrđen pravni osnov našeg preduzeća za pristup registru novčanih kazni.

Nakon dobijanja saglasnosti za pristup registru novčanih kazni naše preduzeće je donijelo Pravilnik o provođenju Zakona o zaštiti ličnih podataka i Plan sigurnosti ličnih podataka.

Na osnovu člana 6. Zakona o zaštiti ličnih podataka BiH ovom preduzeću kao ovlaštenom preduzeću sa javnim ovlaštenjima nije potrebna saglasnost nosioca podataka za obradu podataka jer se radi o sprovođenju nadležnosti ovog preduzeća.

Izgled prekršajnih naloga može određivati svaki ovlašteni organ ali oni moraju sadržajem odgovarati propisanim odredbama člana 55. Zakona o prekršaju FBiH i na isti saglasnost daje Ministarstvo pravde FBiH a koje je i dalo saglasnost na prekršajni obrazac našeg preduzeća..

Radi ostvarivanja prava na povlaštenu radničku parking kartu u skladu sa odredbama Odluke o javnim parkiralištima na području grada Živinica korisnik je dužan donijeti dokaz da je radnik (kopiju Ugovora o radu, Rješenje ili drugi dokaz kojim dokazuje svoj radno pravni status).

Plaćanje javnih parkirališta vrši se putem SMS-a ili putem postavljenih parkomata za naplatu parking karti. U slučaju kvara parkomata korisnik je dužan platiti parking kartu putem SMS usluge preko bilo kojeg BH operatera. U slučaju kvara parkomata na svakom je jasno i vidljivo ispisana obavijest da je isti u kvaru i da se plaćanje vrši putem SMS-a. Na svakom javnom parkiralištu postavljena vidljiva obavijest sa jasnim uputstvom za plaćanje parkinga putem SMS-a ,kao i brojevi telefona na koje korisnici mogu pozvati ovlaštene kontrolore koji će im u slučaju potrebe dati uputstva.

S poštovanjem!

Obradio: _____

Odobrio: _____

